

重校
刊訂

淨土十勝論卷第七



淨土十勝箋節論卷中

卷第七章目

無解大乘勝
 凡夫長壽勝
 尼衆往生勝
 魔不能僂勝
 鶴林歸嚮勝
 佛前重說勝
 發願叮嚀勝
 來迎殊絕勝
 自作他受勝

初紙
 十紙
 十三紙
 十五紙
 十八紙
 二十紙
 二十一紙
 二十七紙
 二十九紙

校訂重刊

淨土十勝箋節論卷中

章目

淨土十勝箋節論卷中
乾上
夫以漢光數千之士卒絕乎呼沱之波瀾也所以一
念澄淨也李將行孝之箭鏃貫乎野中之黃石也所
以誓心堅固矣吾門所謂法既本妙麤由物情但開
其情復本與之相同矣然則麤食者解乎法華醍醐
變為雜血矣圓行人會乎權教麤法反為妙法焉天
台智者曰三業之中意業為主居此語誠乎學者留
心諸爰吾宗持名之行人不然夫謂其解了者無相

沱
並作池
誤今改

淨土十勝箋節論卷中

無解大乘勝 第四十

菩薩大乘戒比丘澄圓撰

乾上

夫以漢光數千之士卒絕乎呼沱之波瀾也所以一
念澄淨也李將行孝之箭鏃貫乎野中之黃石也所
以誓心堅固矣吾門所謂法既本妙麤由物情但開
其情復本與之相同矣然則麤食者解乎法華醍醐
變為雜血矣圓行人會乎權教麤法反為妙法焉天
台智者曰三業之中意業為主居此語誠乎學者留
心諸爰吾宗持名之行人不然夫謂其解了者無相

校訂重刊

淨土十勝箋節論卷七

真如第一義空曾未措心矣謂其造罪者四重八重
五逆十惡更弗制一毫焉雖然持彌陀尊號之靈德
得大乘行人之佳名焉可思議居例如夫四洲臣屬
諸神翼從者雖嬰孩無識得金輪聖王之尊號矣又
似三密修行諸尊冥護者未及顯加位名秘教修行
之大人也然則以持名之行人名大乘之修者非是
關行者之解了以論之正約法體之德用以爲語而
已何言也夫案持名行者之相兒莫緣事緣理之誓
心巨名大乘之行人闕沉空滯寂之獨情難號小行
之修者正是唯知作惡不修微善之類而已以此等

旧脱之
字今依
古加

哺旧古
並作哺
誤

衙旧古
並作衙
誤

旧脱經
字今依
古加

之人稱究竟大乘之行者者有明眼之智人見彼所
修之妙行褒歎之語也莫謂約行人之解了以論其
義矣至如夫言黃離知青陽之節蟪蛄識朱夏之時
石鷲知降雨之日林鳥有反哺之孝野人致孝行子
女勤恩孝蛇向王氣而蟠鵲背太歲而開巢口鷲除
戊巳日衙泥巢等者豈是言其物情只是知者言之
耳問曰以持名之行人正名大乘之上類亦不約修
者之解了而與大乘之佳名正出在何經釋之現文
耶答曰且大乘莊嚴經云若有善男子善女人得聞
無量壽佛名號發一念信心歸依瞻禮當知此人非

校訂重刊

淨土十勝論卷七

二

閑旧及
古作簡
誤今改

執旧作
疑又脫
之字今
依註訂

是小乘於我法中得名第一弟子上已又始祖玄闕大
士論註云問曰上言知生無生當是上品生者若下
下品人乘十念往生豈非取實生耶但取實生即墮
二執一恐不得往生二恐更生惑答譬如淨摩尼
珠置之濁水水即清淨若人雖有無量生死之罪濁
聞彼阿彌陀如來至極無生清淨寶珠名號投之濁
心念念之中罪滅心淨即得往生又是摩尼珠以玄
黃幣裹投之於水水即玄黃一如物色彼清淨佛土
有阿彌陀如來無上寶珠以無量莊嚴功德成就帛
裹投之於所往生者心水豈不能轉生見為無生智

門下旧
有之字
行今依
集刪

乎上已又決定往生集云世俗凡夫纔起信心受大乘
經無所得教念無所得淨土之佛稱名作禮皆成無
得由法力故自然成就至乃準此等文世俗行人設不
自知中道法門文義之相但能念佛德自然成無得
如梵天王自作甘露而不知其味西方行者亦爾自
作無所得而不自知是無所得也上已夫兩賢依經逞
得之今不重詳矣故示自作甘露不知其味之文學
者涂指而試焉又龍猛大士菩提心離相論云菩提
心者離一切性問曰此中云何離一切性答謂蘊處
界離諸取捨法無我平等自心本來不生自性空故

求旧作 有夏作 既又性 下有離 字行今 依本訂

上此明緣理無相菩提心也西郊辦公上人判上文云此約大乘說菩提心體與法無我理相應心指此云菩提心問曰此心最為甚深我等未知法無我等道理何發菩提心乎答曰此心非甚深謂行者遇善緣卒爾緣佛境毛豎流涕發希求心推檢此心自性言以法無我理為所依夏非謂自知法無我等理也上聖道猶爾也矧於淨土耶問曰孰知莊嚴之文說無相解了之上歸依瞻禮如何答曰只宜得聞名號非是小乘未自有無相甚深之妙解仁者奚自生封拙以迷惑乎攝大乘論曰了義大乘依文判義上以

旧脫只 已十即 如今依古 如

深旧作 探

之而觀之者經所謂發一念心歸依瞻禮之言只顯乎散心無觀之稱名而已行者等早拋漆桶之慮速抽鳳膠之志矣若爾者是十即十生矣是萬不一失焉難曰如云法妙麤情開情復本者是則由機解之不同判法門之淺深之意也然今案持名行者心念之相只是默苦欣淨自利心而全無無相深玄之妙解又闕有為行願之宏誓矣若不具足緣事緣理之菩提心者爭可名大乘至極之行人乎答云萬法皆有橫具豎具之二途也所謂如或云法在一心說必次第或云總在一念別分色心或言印文讀誦同異

校訂重刊

淨土十勝論卷七

四

古只
字

各別者是也。衆生發心亦復如是。若有行者或發一實菩提之解了。或起四弘甚深之誓願等。是豎發之菩提心也。又只一念信解之上。周備二種之菩提心。是橫具之菩提心也。此義諸教之通談不遑。毛舉且辨公上人莊嚴記云。如至相大師發菩提心章云。體性者隨義不同。略有三種。一相發。二息相發。三真發言。相發者深見生死之過。涅槃福利。棄捨生死。趣向涅槃。隨相。默求名相發心。言息相發者深悟平等。知其生死本性寂滅。涅槃亦然。背前相歸。正如道故名爲發真發者真性由來已體捨彼異求實相現前故。

發心至問此心爲甚深。凡夫何發之乎。答我法二執雖恒時起。不遇教未知名義。道心亦如是。愚昧人雖不知名義。此心非難起也。謂親近善友聽聞正法。即起正見。與正見相應心。即自順二空也。若違法。即有二體。順法即無二體。如離相論云。諸佛世尊咸作是說。悲心所生無量福聚。彼即最上真實空理。諸佛威神之所出生。自利利他二行成就。云此即真俗二行相順。事利二體不違也。乃至廣說此釋意云。行者等於相息真發等三種菩提心。雖不一一別發。只於聽聞正法。即起正見一念之上。具發菩提心之德也。是

校訂重刊

淨土十勝論卷七

五

群旧作郡誤今依古改

即橫發心之意也。以之而觀之者，欣求西方之行者等，設雖不發緣理緣事等之菩提心，正有賴報身如來欣求界外報土之心者，專名橫發起大乘至極心之人。道理揭焉者也。海公詳勘而言，梵王作甘露而不知其味，蓋此之謂也。既有橫具之三心五念，奚母橫具之發大乘心乎？有智高識之學者可知矣。問曰：若以持名之修者而直名大乘之行人者，專住穢國利濟群萌，然曷急捨乎東隅而走西方，背乎迷徒而求自證乎？答曰：菩薩有二種，一曰智增，二曰悲增也。智增之人，自證為先，非增之類，利他為本，二人各別。

心旧作已人天作天人緣作獨今依經訂

先後不定。此義見乎智度論。欲知之，看矣。問曰：持名行者等，設雖無緣理緣事二種之發心，專名大乘之行人，文理炳焉，所立成竟。若爾者，西方行人，要當先他後自，所以然者，且涅槃經迦葉菩薩禮佛偈曰：發心畢竟二不別，如是二心先心難自未得度，先度他，是故我禮初發心，初發心為人天師，勝出聲聞及緣覺。如是發心過三界，是故得名最無上。已然，今見聞安養行者，狀乎穢土，欣乎淨土，捨乎衆生，求乎自樂，豈容名大乘之行者耶？答曰：斯問答出乎天台尊者十疑論。玄忠禪師安樂集千福大德群疑論等諸書。

校訂重刊

淨土十勝論卷七

六

舊脫而
言等九
字今依
論及古
補

文廣故於是不載後進自看矣請問之曰且十住毗
婆沙論云問曰何故不言我當度衆生而言自得已
當度衆生答曰自未得度不能度彼如人自沒於泥
何能救拔餘人又如爲水所漂不能濟溺是故我度
已當度彼上已法華疏記第一云自行暗於妙宗何殊
無目而導彼此俱迷自他咸沒上已又毗盧遮那經疏
第十云又普度一切衆生名爲極度若人自未得度
而得度人則不應爾若自度又能度人斯有是處也
上已又同第十四云若不如實自了知者設他種種開
導終無得理也若人自不開發如是內證之法而爲

舊脫又
字

說舊作
訛亦作
復誤

舊脫亦
今依疏
加

人說欲令他悟亦復無有是處何以故如有無足之
人呼召衆人作如是言我當爲汝而登妙高山上當
知此人必爲智者所輕笑也何以故若自無足者尚
不能自登如是妙高山王少分高處况能爲一切而
登彼頂耶又如有入自未能渡大海波浪而謂他言
我當渡汝令達彼岸當知亦是無有得理也行人亦
如是若自未覺無師之慧而欲令他聞法得悟必無
此理也上已是乃圓密二宗大乘行者先自後他之明
據也抑先自後他之教誠匪啻局圓密內法之所談
外談亦然矣且南華真經云古之至人先存諸已而

校訂重刊

淨土十勝論卷七

七

舊脫者
之今依
古加

後存諸人^上疏云諸於也存立也古昔至德之人虛
懷而遊世間必先安立已道然後拯救他人未有已
身不存能接物者也援引古人以為鑒誠^上問曰胡
有先自後他之與先他後自之不同乎答曰此有三
義一曰智增悲增異矣二曰淺位深位之殊焉而已
若以之言之者欣求淨土之行者是智增菩薩乎亦
淺位索多乎涅槃所說之菩薩或悲增乎亦深位^初
乎悲智淺深其人雖殊俱是大乘之行者耳問曰悲
智之二聖以何而為勝乎答曰淺位悲增菩薩有二
人俱沒之失下位智增菩薩有並得出難之得若爾

舊脫者
之今依
古加

者悲增菩薩一鞭殿居乎焉又有一義光云若不
利何能利他經言菩薩為利他者據意樂說^上已若依
之觀之者一切菩薩等若發願之時必先他後自若
起行之日定先自後他者歟若背此義初心始行之
菩薩等強自未得度先度他者違教乖理乎智人思
擇矣夫居問曰不關機解而任境界勘判勝德出何
處耶答曰而來吾語夫世親論主定定業之相見荆
溪尊者判圓經之德用等是其誠證也又弘法大師
真言問答曰問不依餘乘依頓悟門三密滿行此生
成道者先證頓悟次成餘義他宗說頓悟與真言

校訂重刊

淨土十勝論卷七

八

舊脫義
字
異下曰
有也字
行

舊脫何
等四字
今皆依
問答訂

門頓悟為同為異答雖頓悟義同而其意少異問異
意如何答餘教頓悟根熟待時頓入大乘也密乘頓
悟初心凡夫此生證悟也所以云異問初發心人此
生證者如華嚴宗初發心時便成正覺歟答彼亦不
同問爾如何耶答彼即或利根者覺悟圓一分理義
邊非究竟覺此真言教得從凡入佛位而已問頓悟
異爾耳何故顯教機熟得悟真言門中初心獲入答
教力有淺深故爾耶問何教力深何教力淺答顯淺
密深問此義不可爾所以者何根熟人有智故即隨
能證智深所證理是應深初心識淺即淺識故所入

可淺所以顯教可深根熟證故真言可淺初心入故
答是不爾矣問然如何耶答淺略門者教力劣故頓
不能引初心凡夫深秘門者法力勝故此生令得起
昇佛位上此之所判從所修之行境而詳教法之深
淺也學者可見矣抑靜案諸方學者難勢之趣多言
念佛之行者亡緣事緣理之誓心故區名大乘之行
者若非大乘之持者焉道小行修者之劣名耶小子
對彼而曰持名之行人正無沈空滯寂之小心故不
可號小行之行者若非小乘之行者闔與大乘之佳
名耶云夫以持名之行者而名大乘之行人猶是附

傍寄在之教相而全非元意獨一之勘判例如以念佛同陀羅尼藏以觀經屬方等部矣何言也所謂居偏小權大顯實密實教外別傳之上一層級而清談絕待獨一究竟大乘之義矣問曰其義何如答曰夫謂其機根者是一向行惡行不修微善法之惡輩也謂其所修者乃難可思議無上功德之尊號也是則難思之機法故四記不記之三量不量之既三量四記之所不能及故亦大小勘判之所弗能曼也若爾者以持名之行者只名難思感應之妙機而絕去大小兩乘之通號而已但若於非大非小機法之上且

其稱號者名過未不談最勝上上之大根機也是斯約伸最上秘法之手以提最下魯鈍之人之義篇以為語矣學者莫致迷矣若自非負剛明卓拔之高識而達酬酢決擇之故質者其孰能信於此耶上根上智大度量勇銳之大丈夫自量而知矣原夫聖道諸宗者以透徹而為本故義解為根元以契證矣別願玄極者以往生而為先故平信為正因以即詣焉教示無解之出離故教法居諸宗之最頂乎不奈實相之解了故當機被鈍根之下輩哉誠是最尊最上之大法易行易修之要行者居夫吾宗二祖緯公

忙
舊作
依
集

大師引經曰人壽百歲夜消其半即是減却五十年也就五十年內十五已來未知善惡八十已去昏耄虛劣故受老苦自此之外唯有十五年在於中外則王官逼迫長征遠防或繫在牢獄內則門戶吉凶眾事牽纏煒煒忙忙常求不足如斯推計可有幾時得修道業如此脫量豈不哀哉上南無阿彌陀佛

凡夫長壽勝 第四十一

夫生者必滅是五道輪迴之定憂矣會者定離迺三界流轉之常苦焉所以欲界天人悲五衰之朝霜北州衆生泣千年之夕露設雖有頂之八萬大劫只是

稱
舊及
古作
勝
今依
經
改

莊周一夕之夢乎設雖他化之一萬六千亦即盧生半炊之眠乎匪啻滓濁惡世衆生有電光短祚之恨又離垢世界雖是上品淨土宜其國人民壽八小劫矣孰人不愁吟之居何曩弗傷嗟之諸爰安養淨刹之衆生壽命無量更無終盡之期且體相金剛全無破敗之時矣彌陀本誓曰設我得佛國中人天壽命無限量除其本願脩短自在若不爾者不取正覺已又經云無量壽佛壽命長久不可稱計至聲聞菩薩天人之衆壽命長短亦復如是已又室羅筏城逝多林中所說無量壽經云彼佛壽命及其人民無量

央旧作
數皆平
作齊平
今依贊
訂

無邊阿僧祇劫故名阿彌陀也。又稱讚淨土經云。又舍利子。極樂世界淨佛土中。佛有何緣。名無量壽。舍利子。由彼如來及諸有情。壽命無量無數大劫。由是緣故。彼土如來名無量壽。上宗家大師受之。而曰。果得涅槃。常住世壽。命延長難可量。千劫萬劫恒沙劫。兆載永劫亦無央。至十方凡聖專心向分身。遣化往相迎。一念乘華入佛會。身色壽命盡皆平。上又二祖綽公大師安樂集云。若生阿彌陀淨國。壽命長遠不可思議。是故無量壽經云。佛告舍利弗。彼佛何故號阿彌陀。舍利弗。十方人天往生彼國者。壽命長遠億

旧脱生
字今依
集加

識下旧
有種字
衍又脫
衆字
尊旧作
壽况作
現並誤
今依贊
皆訂正

百千劫與佛同等故。號阿彌陀。各宜量此。利大皆願往生也。上又慈恩大師通讚云。經又舍利弗。彼佛壽命及其人民無量無邊阿僧祇劫。故名阿彌陀。讚曰。第二答壽命得名。壽命者第八識上。連持功能也。即是不相應行中攝也。無量者無其限量。無邊者無彼邊際。阿僧祇劫者。此云無央數劫也。問彼尊彼衆身屬有為未逃四相。遷移爭免一期磨滅。答捨兩重生。死獲五蘊常身。悲願無邊身命何盡。况又殺業久已。壽命延遠也。問彌陀已居果位。壽命無量可然。人民見處因中何故亦同。彼佛答業累輕。善種增強。既

校訂重刊

淨土十勝論卷中

十二

非分段之身永離去來之質與佛齊等於理無違故
無量壽經云彼佛壽命長遠不可稱計假使十方世
界無量衆生皆成羅漢共盡思惟百千萬劫不知壽
限菩薩天人壽命亦爾上夫甚可怖畏是死苦矣大
可求惜亦命財焉設雖但受諸樂之淨刹若有一形
壽命之定限者遺恨幾許乎譬如金杯無底又似摩
尼碎瑕者乎抑匪啻貪生惡死亦修行佛道死魔為
恐矣生死間隔退大根本也然安養淨刹衆生者欲
壽一劫百劫千萬億劫自在隨意皆可得之無為自
然次於泥洹之道矣凡壽命長遠之巨益安樂第一

姑按應
葵字寫
誤今檢
字書未
見結字
也

手旧作
字誤

旧脱忝
字今依
古訂

靈德焉可思議居夫櫻梅桃李散風春之夕觀世上
之虛華而修南謨之妙行黃菊紫蘭結霜秋之朝想
生死之苦果而欣西方之常樂抑如來尊號者超愛
海之波瀾堅牢之船筏矣法藏誓願者詣安養之淨
刹金輪之寶輅也南無阿彌陀佛

尼衆往生勝 第四十二

夫蓋覆日月之光用者是雲煙塵霞阿修羅手也不
詣諸佛之報土者乃五障三從穢質女人焉然執持
彌陀覺王之大願業力者忝以五障之女身直至九
品之報土居此義五千四十八卷之所不明也此旨三

校訂重刊

淨土十勝論卷七

十三

國傳燈祖師之所不談居只是彌陀三部之秀句夫
光明一家之高判居可仰可崇矣但雖似論文簡乎
女人支那四百州之群英皆悉通會之矣學者可見
居問曰沙竭龍女愛道耶輸雖是女質行位居初住
教圓後有在報土與今不殊如何答曰此難不類也龍
女二尼雖為女人昇乎真修體顯即無差降之高位
具乎自然流入薩婆若海之德與今所談天懸而全
非比類矣兩尼龍女等後有在實報只應是地住之
索多生乎報土矣如彼智者大師定乎報土得生之
機品而云地住已上皆得往生也問曰天台尊者靈

諸賢
作賢
舊

舊脫
解
字今依
古如

舊脫
本
字

芝律德等諸賢判夫人之得忍俱云斷破無明證入
初住若爾者毗提夫人之與耶愛龍女一等而無差
如何答曰他師雖高乎夫人之無生以屬真因初住
今家定乎信位之安心而遮解行已上矣今依宗師
之定判以為語矣學者勿相濫居問曰女人往生之
明文出在何處乎答彌陀本願曰設我得佛十方無
量不可思議諸佛世界其有女人聞我名字歡喜信
樂發菩提心厭惡女身壽終之後復為女像者不取
正覺上宗家引此願文而詳勘曰義曰乃由彌陀本
願力故女人稱佛名號正命終時即轉女身得成男

校訂重刊

淨土十勝箋節論卷中

十四

舊脫力
得女人
今依觀
念門皆
如

子彌陀接手菩薩扶身坐寶華上隨佛往生入佛大會證悟無生又一切女人若不因彌陀名願力者千劫万劫恒沙等劫終不可得轉女身應知今或有道俗云女人不得生淨土者此是妄說不可信也又以此經證亦是攝生增上緣此經釋炳文易見故不註解矣抑寶樹檀林之春花遠傳薰乎稱名之風萬德圓明之秋月遙耀光乎持念之窓矣先聖有言當知諸餘苦患或有免者無常一專終無避處須如說修行欣求常樂果此言誠哉五蘊無常孰免四山之責九品易往曷怠三字之勤乎南無阿彌陀佛

魔不能優勝 第四十三

夫牟尼至尊之積劫行滿也猶不免三女四軍之惱亂矣優婆塞多之證果聖者也亦即值他化天子之留難居是併自力斷證之所致也然吾門修行者四魔剗跡波旬濟競是則所以蒙攝取不捨之光益焉經云光明遍照十方世界念佛眾生攝取不捨上靈芝云當知我輩處佛光中都不覺知佛光常攝略無厭弄猶如盲人居日輪下又如溷蟲樂在穢處撫膺自責實可悲痛此楞嚴云我亦在彼攝取之中煩惱障眼雖不能見大悲無倦常照我身此又靈芝律德

覺知旧
作知覺
倒誤
相脫又
字今依
疏訂

決旧作
定難作
誰並誤
今依疏
訂正

云大光明中決無魔事猶如白晝劫盜難成已加之
基公感師一志勳力而俱曰淨土之行人全無神鬼
魔之留難焉問曰法華說若魔若魔子皆不得便神
咒宣魔鬼鄣礙皆消滅故又金剛頂經云彼釋獅子
皆由獲得無比陀羅尼瑜伽法故摧破魔軍利樂一
切又云若諸魔等有暴惡者於此人所皆生歡喜又
云凡行者求勝善事多被惡魔障礙常伺人便或屏
痕處或穢惡處能為惱害應以密契加護勿令得便
又云諸惡鬼神並皆摧伏又云金剛上現暴惡身摧
伏魔王憍慢心又云爾時世尊告諸行人言如上修

旧古所
引等提
心經文
字稍有
增損今
修經皆
訂正

三摩地已現世獲證無上菩提及種種功德悉地自
在如意天魔龍鬼無得伺便人天敬重一切事業速
疾圓滿已又出生菩提心經云爾時佛告彼波羅門
言此三千大千世界有百俱致梵語俱致此諸魔宮
殿彼一一魔有俱致數魔眾眷屬圍遶彼諸魔輩常
勤方便欲滅此經作種種因緣因彼因緣隨所在處
作諸障礙所以者何若以三千大千世界所有衆生
皆悉得於阿羅漢果若有善男子善女人聞此修多
羅已當發阿耨多羅三藐三菩提心婆羅門以是因
緣令俱致數諸魔勤求方便欲滅此經所以者何此

修多羅是一切諸法種性根本以是義故俱致諸魔
勤求方便欲滅此經爾時佛告波羅門今有修多羅
名曰破魔衆會汝等受持讀誦即得破彼魔天衆會
乃爾時世尊即說陀羅尼曰云以之而觀之者圓密
之行者亦撥却魔障者也何如答曰夫聖道修行非
不波旬競襲襲來行人故勵自力而對治之也淨土
勤修元來魔王不張強弩魔民不著甲冑故闕對治
魔事之方法而已夫競之與不競治之與不治其優
劣判然矣夫嬰乎重瘡而值耆扁之治療之與五內
無恙不用葛華之秘方憂喜其何如乎學者商量矣

淨土十勝箋節論

舊古並
脫等人
今依本
書如

問曰法事讚曰佛恐衆生四魔障未至極樂墮三塗
直心實行佛迎來比如所判者淨土行者有魔障故
如來垂來應者乎答曰實無魔事且是因準餘教之
解釋矣莫生定執矧又是如來對治非行者期心所
以異乎聖道學者應知問曰觀念門云又行者等眷
屬六親若來看病勿令有食酒肉五辛人若有必不
得向病人邊即失正念鬼神交亂病人狂死墮三惡
道願行者等好自謹慎奉持佛教固作見佛因緣也
解釋炳焉西方行人專值波旬之留難失往生之大
益者哉答曰是亦欲令縱逸不淨之凶黨而不近聖

校訂重刊

淨土十勝論卷七

十七

衆來迎之梵場而一往如抑止方便之嚴制二往不然智人自知矣瑛師修證儀云彼以五陰爲境境是生死幽暗之法以十乘理觀研之能發九境魔事如撈嚴說皆由五陰故有魔現是以諸經論傳凡明修觀並須辨出魔事恐其現時行人不識若生取著卽落群邪故也此以彌陀爲境境是果人清淨功德十乘行滿永絕十境魔事是以淨土一門諸經論傳皆不言有魔事故知但能依經作想心無邪念則聖境現前光明顯發能破自己幽暗滅五陰生死也此文易見故不註焉夫生死交謝一生光陰有幾去來不

定萬物運爲無常四大零落易移五蘊遷變無留矣抑轟轟輪轉更無始過去亦過去幾計輪迴居悠悠生死亦無終未來亦未來何計經歷諸爰渡得船聞值明謂超世之大願是也一稱南無五逆忽消常念執持上品上生矣十二佛名經云若人持佛名衆魔及波旬行住坐臥處不能得其便上南無阿彌陀佛

鶴林歸嚮勝 第四十四

夫真言明妃陀羅尼藏化犯重之人也只濟康日修入之彙矣大乘十二分教首題利逆謗之徒也未扶終焉誦持之機夫爰吾淨土之教益不然一形造惡

又旧作
刃非今
依經正

之愚人等與果現前之時初值善知識說超世大願之玄極而轉教口稱今僅心念語唱矣于時彌陀至尊不捨本願來應大悲矣聖眾來迎故於刹那頃即謂西方矣如斯勝妙之事於諸教中闕而不書矣唯彌陀教中特明獲麟迴心之巨益而已智人商量矣曰敢問曰王舍城中所說阿彌陀經曰下品上生者或有眾生作眾惡業雖不誹謗方等經典如此愚人多造眾惡無有慙愧命欲終時遇善知識為讚大乘十二部經首題名字以聞如是諸經名故除却千劫極重惡業智者復教合掌叉手稱南無阿彌陀佛

竿旧作
竿誤
旧脫無
量二字
今依古
訂正

佛名故除五十億劫生死之罪爾時彼佛即遣化佛化觀世音化大勢至至行者前讚言善男子汝稱佛名故諸罪消滅我來迎汝比夫末後之念想生死之折角也鶴林之稱名往生之正因矣故大善知識以慈悲老婆心而代十二部經唱六字尊號也嗚呼宜哉一念稱揚之力殆超于誦持十二分教須臾持念之功頗過于唱念諸佛名號矣然則念佛三昧之功德婆伽至尊猶泥測量底下愚童豈得竿許乎凡不得驪珠而遊七寶國土不服神丹而到無量壽域只是本願名號不共之別德而已檀摩訶毗尼衍之往

校訂重刊

淨土十勝論卷七

十九

天由作
失誤

旧脱惡
字今依
古加

蜀此中應當廣說矣。抑瞑目氣絕之迴心起乎。薩埵本誓眼光落地之仰賴明乎。下輩三品矣。行者留心思量矣。於雪曠劫會誓耻辱終焉之一念斷無始輪環繆紕無後之十聲矣。寔可謂臨陣作矢猶得勝臨渴掘井善濕喉胡可思議焉。曰敢問曰設雖有圓密二宗諸經之中明臨終初心之人直截斷生死之美相只是三學式內之得益今全非六字格外之大利學者商量矣。夫沙羅林變色也。月輪猶隱二月三五之夜雲居白鷺池水涸也。青蓮亦萎五濁惡世之春嵐焉。三界特尊不畱夫十地聖人同去居具縛之下

絆旧作
綺誤

凡豈不然乎。所以朝誇官祿之人暮昇岱邱之煙昨。絆容飭之彙今交郊原之塵矣。南無阿彌陀佛。

佛前重說勝 第四十五

夫八事開遮有崛內崛外之諍五部異執有大衆上座之論是則所以親於如來之前而不沙汰之也。然今此觀經大德牟尼婆伽從耆闍崛山而沒於王宮正為國母毗提直示十六想觀之方軌矣。侍者慶喜自王舍大城而還在鷲嶺親向教主慈尊重說九品往生之始終焉。經云爾時世尊足步虛空還耆闍崛山爾時阿難廣為大衆說如上事無量諸天及龍夜

歡旧作
勸非今
依經正

旧脱已
字今依
古如

又聞佛所說皆大歡喜禮佛而退。上疏第四受之而
曰就耆闍會中亦有其三一從爾時世尊已下明耆
闍序分二從爾時阿難已下明耆闍正宗分三從無
量諸天已下明耆闍流通分。上比又玄文云此觀經一
部雖言兩會正說總成斯一。上比夫案三百餘會之轉
法輪未有兩會之重說只吾淨土一教而已。有此秀
句尤足以為一勝居抑涅槃第二十三云人身難得
如優曇華我今已得如來難值過優曇華我今已值
清淨法實難得見聞我今已聞猶如盲龜值浮木孔
人命不停過於山水今日雖存明亦難保云何縱心

慮旧作
慮誤今
依古改

喜古作
忝

令住惡法壯色不停猶如驕馬云何恃怙而生憍慢
上比南無阿彌陀佛

發願叮嚀勝第四十六

夫文子三思而行之也故政途無錯且子路短慮而
射之也故孔聖矢志且是則彌陀諸佛發願之差異
與原夫五百二六之大願未必重慮思察六八超世
之本誓懇懃五劫思惟矣於戲喜哉無諍念王照機
之眼常視乎三學分外之凡愚法藏薩埵大悲之淚
鎮灑乎五逆衆生之頂上矣大悲闡提之宏誓證成
熟乎空中之讚言且三僧祇耶之行願讓重修乎衆

登旧及
古作登
誤

今檢字
書未見
圖字按
應圖字
寫誤又
圖字歟
圖者說
文獄也
更待勘

生之稱念且以故不行微塵之布施而圓滿檀度且
不持毫釐之禁戒而具足木又且乃至不誦一卷經
典而究竟波若矣是則所以大悲本誓之加持也是
故稱名功德無盡之所判思而可知焉宜哉三名之
至尊摩竭捨室忽得先漸後頓之梯橙焉方衆之明
君遠方買智速免悞逆墮圖之苦報矣以之而觀之
者思惟觀察之法是殊絕特妙者矣夫於戲法藏盪
乎願船也以過津人之機巧彌陀機誓車也更超斷
畚之秘術矣智人自量焉曰敢問之曰藥師如來本
願經云佛告曼殊室利彼佛世尊藥師瑠璃光如來

淨土十勝論卷七

譯旧作
釋誤

旧脱佛
字中下
有其字
行又乳
作呢誤
今依經
皆改

本行菩薩行時發十二大願至此十二大願是彼世
尊藥師瑠璃光如來應供正遍知行菩薩行時本昔
所作已上唐悲華經第六云爾時佛告寂意菩薩善
男子時寶海梵志作是思惟我今已勸無量無邊百
千億那由他衆生令住阿耨多羅三藐三菩提我今
見是諸大菩薩各各發願取淨佛土唯除一人婆由
毗紐此賢劫中餘菩薩亦離五濁我今當於是末世
中以真法味與諸衆生我今當自堅牢莊嚴作諸善
願如師子吼悉令一切菩薩聞已心生疑怪歎未曾
有也又悲華第三云爾時聖王聞是語已至我先已

校訂重刊

淨土十勝論卷七

二十一

旧脱一
切等二
十六字
又佛告
等四字
今依經
及古補

於七歲之中端坐思惟種種莊嚴清淨佛土世尊我
今發願令我欲成阿耨多羅三藐三菩提時世界之
中無有地獄畜生餓鬼文等又雙卷云爾時次有佛名
世自在王如來時有國王聞佛說法心懷悅豫尋發
無上正真道意至乃一切世間無能及者具足五劫思
惟攝取莊嚴佛國清淨之行至乃法藏比丘說此願已
而說頌曰斯願若剋果大千應感動虛空諸天人當
雨珍妙華佛告阿難法藏比丘說此頌已應時普地
六種震動天雨妙華以散其上自然音樂空中讚言
決定必成無上正覺於是法藏比丘具足修滿如是

旧脱而
字又許
作計乎
作者今
依十因
訂正

大願誠諦不虛超出世間深樂寂滅上學者委讀三
部大乘之明文詳三尊本願之優劣焉十因詳勘三
尊本誓之高卑而曰誠彌陀願非少緣悲願不勝大
悲立不可得願如彼藥師立得菩提持不誓不取正
覺又如千手誓不取正覺猶未證得菩提而我法藏
比丘恐誓不取正覺成佛以來於今十劫隨從十方
生彼國者猶如駛雨雖不可得願今者已滿足是幾
許修行之功乎是幾許大悲之力乎誠以不可思議
不可思議上卓朗智人雷心經釋九思之矣九思之
矣抑極愛一子地之發願故慈悲最尊也一切自在

位之能化故引接無礙矣。孰道人，不歸乎。何行者弗
憑居問曰：悲華之文說釋迦本師五百大願，而曰寶
海梵志作是思惟。此豈非他佛發願有思惟耶？答曰：
非語全無，只就長短論其淺深而已。夫無靜念王在
乎習種之位，發本誓也。重兆載之沉思，而攝取清淨
之佛土，曇摩大士居乎聖種之初，立別願也。積五劫
之重慮，而撰定卓然之妙行，合昔雖異，只是吾彌陀
因位所發超世之大願也。此豈齊暫時思惟諸佛本
願乎？焉具智眼之人，看兩經之炳文，而詳勘之矣。抑
彌陀覺王欲亭毒三學分外之群品，曩劫發乎大悲

闡提之宏誓，牟尼薄伽為拔濟煩惱賊害之蒼生，今
日宜乎出世素懷之淨教，今古雖殊，郢匠一致矣。大
凡因位本誓之與果上汲引全無差殊，超乎權衡過
乎符璽，然則接凡之嘉譽著乎古今甚深之弘誓，滿
乎朝野矣。孰不歸仰者，諸矣。問曰：法藏所發四十八
種之誓願者，立已自然成六八乎？將又有慄懺乎？答
有慄懺也。且覺鑊閻梨阿彌陀，秘釋曰：此尊不增不
減，發四十八願，必可有所表。例如藥師十二上願，表
時月年迴十二神將釋迦，五百大願，表五住塵點，是
也。謂龍樹釋大行論中於所歸佛舉八万四千四十

校訂重刊

淨土十勝論卷七

三十四

八種功德而歸命之言八万四千者則色相功德也言四十八者心相功德也色相即彌陀相好光明也心相即彌陀誓願海也故知以因位四十八願得果滿四十八種功德也然龍樹是得釋迦記別極樂一聖也彼所歸必可彌陀矣又秘說云儀軌中說彌陀曼荼羅中臺觀音八葉八佛也是則從觀音大悲因開成彌陀八智果德之義也然觀音大悲有六道同體形聲彼六道衆生各有本性八葉心蓮如合蓮華爲令彼六道八葉心蓮各開發六八四十八之願也可秘之此此義即是真言密教之所談也今亦可

近下舊
有四攝
二字行
今依古
刪

存六八之誓願有慄懺之義也就之可有兩門分別所謂一曰就能化而解之矣二曰就所化而判焉初言就能化而解者四者四念住四正斷四神足四無量心四弘誓願四攝四波羅蜜四親近四無礙辯四無畏四諦理四佛四德波羅蜜四百戒四教四門四菩薩四種曼荼羅四種法身四智等諸四種功德是也十者十度十力十種法行十功德十乘十境十如十無盡戒十善十戒十地_{四乘}等諸善功德是也八者八葉八供八諦八金剛八定八法八萬法門八音八念八捷度八德八教等諸八種之功德矣此等四

校訂重刊

淨土十勝論卷七

三十五

訖下旧
有倒字
恐衍

十八種功德因位果上之德能也。然吾阿彌陀如來
欲表具足成就如此四十八種之功德而發起六八
之弘誓也已上就能化以解四十八之義竟訖。云言
就所化而判者四者四倒四苦四惡趣四州四重四
有四生等也。十者十波羅夷十惡十纏等矣。八者八
苦八倒八熱八寒八州八部八難八逆等是也。彌陀
覺王普攝化斯等四十八種之群品矣。焉乎為表此
義故建立六八之大願矣。問曰雙卷異譯皆云結得
二十四願若爾者從上標幟之義更不成立如何答
曰三八之與六八只是開合之異而已。或又他譯不

旧脱手
字

旧脱者
字今並
依古加

正僧鎧直翻所以者何鎧譯之願數深符契觀經之
與智論故也。曰敢問曰此難非也。標幟相配之勘詳
非適今焉。謂如法華文說一百二百或至三十經二
十年執作家事也。又八十竿題表示即其例也。此例
非一南北之智人自知居乎夫超世大願之教迹是
不朽敗之靈藥故不焦八熱那落之猛焰六字尊號
之妙行迺不龜手之妙藥故弗閉八寒泥梨之堅冰
焉孰不仰賴之矣。靜以如意兩寶磁石吸鐵方諸招
水琥珀去塵矣。此之四物豈有識哉。然而皆有神異
善顯靈用者也。吾彌陀世尊登十地之高位重五劫

校訂重刊

淨土十勝箋節論卷中

二十六

之思惟而所建立大願豈容不施無窮之巨益乎原夫三大僧祇之行願全非他事焉百千萬種之善根只為我等也已依久修業之妙因今成最正覺之大果而以所得之功德以為三學之九香普施一切之眾生若有行人唱念之者念念皆包萬德也如摩尼之雨七珍矣聲聲悉滅眾罪也同金剛之摧萬物焉類之明月神珠喻之龍泉太阿誠有以哉於戲昔見人今無只諂空跡今聞類忽去徒臥墳邊先賢有言折指計古人親去踈去塞目思往事悅恨皆空云夫晨夕梵鐘之響每響示無常念念至矣夙夜螺鼓之

音每音覺死王步步來矣南無阿彌陀佛

來迎殊絕勝 第四十七

夫匪良導師之誘引者五百寶處難至矣無大船師之濟渡者万里煙波叵超焉觀率西方之往生豈無導師之教示耶所以上生經云彌勒菩薩放眉間白毫大人相光與諸天子雨曼陀羅華來迎此人此又雙卷經云設我得佛十方眾生發菩提心修諸功德至心發願欲生我國臨壽終時假令不與大眾圍遶現其人前者不取正覺上觀經云阿彌陀如來與觀世音大勢至無數化佛百千比丘聲聞大眾無數諸

旧古並
脫者字
加今依經

校訂重刊

淨土十勝箋節論卷中

二十七

歡_同作
歡_非今
依_經改

決_旧作
必_誤十
下_有種
好_二字
行_今依
儀_軌正

天七寶宮殿觀世音菩薩執金剛臺與大勢至菩薩
至行者前阿彌陀佛放大光明照行者身與諸菩薩
授手迎接觀世音大勢至與無數菩薩讚歎行者勸
進其心行者見已歡喜踊躍自見其身乘金剛臺隨
從佛後如彈指頃往生彼國上又光明真言儀軌云
若置墓處誦四十九遍必無量壽如來荷負斯靈決
定令生極樂淨土又云亦常誦持人無量壽如來荷
負令生極樂淨土具足三十二相八十莊嚴速令成
正覺上夫若迴願拔濟若自身往生皆同彌陀荷負
授手而令至淨土焉可思議乎焉可思議乎矣夫雖

淨土十勝箋節論卷中

二處俱有來迎迎相之優劣天懸矣問曰安養觀率
二處之來迎有何等勝劣乎答曰略有四優劣一曰
化主勝劣也謂菩薩狹小之身也三十二種相好不
圓彌陀廣大之身也八万四千妙相嚴顯也二曰光
明勝劣矣彌勒唯放眉間毫光之一種妙雲普放遍
身無數之大光矣三曰眷屬勝劣焉謂逸多與都率
天子俱來清淨與化佛菩薩同迎矣四曰散華勝劣
矣謂慈氏唯雨曼陀羅華甘露雨種種微妙寶華矣
今略舉四種優劣不可具計矣自餘絲竹等形聲之
高卑準說可知矣問曰西方要訣云捨生不同者捨

校訂重刊

淨土十勝箋節論卷中

三十八

接引日
作引接
創今
依本改

命生天無人接引。若生淨國聖眾來迎。比奚與經相違哉。答曰。要集之中。雖載基感兩師來迎。有無之勘。判而未通。會榜嚴心中。暗以難知矣。今謂要訣。違上生經。明文孰云妙判乎。或又試以二義會基公之意。一曰。彌勒無來迎。願故接引之力。非是最大。故屬無例。如小力名。無力小鹽言。無鹽也。二曰。慈氏來迎。不如佛迎。嚴重。故呼劣屬。無乎此義。非適今也。譬如惡子名。無子賤人言。無人矣。又七義勝之中。來迎勝可思之焉。問曰。彌陀如來有何故。垂來迎引接之益哉。答曰。黑谷尊師云。來迎有三義。一曰。為導師誘引也。

白旧作
自免作
冤並寫
誤今依
古訂

捷古作
推

一曰。為四魔降伏也。二曰。為行者摩頂也。云云。夫憑乎他力之本誓。如著鎧而入陣。勵乎自力之諸度。似白身而交戰。行者可能斟酌矣。抑一切眾生等。從無身有身。無識有識。以往或有浮人中天堂。浪上之時。或有沉三途八難。海底之時。浮沉俱不免。輪迴苦樂同。繫在牢獄。為之奈何乎。雖偶值佛教。而受毗尼三昧。戒珠多瑕。類而未照。二種生死之長夜矣。定水惡波。濶而弗浮。三身圓滿之明月焉。既闕三學十度之資糧。定沈六道貪里之飢饉者乎。嗚呼痛乎。世世聞魔王呵責之音。生生受防羅鞭撻之苦矣。今度不厭捨。

者將來亦懊惱乎。行人思察焉。行人思察焉。夫寔叵
修真實之妙行。居最難。值有緣之要法也。然今或從
經卷而悟乎西方之捷徑。奚不勤修之。夫或從知識
而聞別願之玄極。豈容懈緩。居抑西方行者等。若心
諾不違。而掛乎劍墳。今還矣。忠貞如金。而擊乎敵衣
兮。死矣。乘于蓮華。而詣西。在近坐于瑞草。而成覺不
幾。經所謂。生諸佛家。當坐道場。是也。抑金烏難。雷
一形之間。只如莊周之孤夢。白駒易過。千秋之程。亦
似廬生之一睡。南無阿彌陀佛。

自作他受勝 第四十八

安樂道
與旧古
兩本所
出文互
有少異
然於意
夏無差
異

夫君父賜乎七珍也。臣子速誇富有矣。良醫播乎百
療也。疾者忽除。病痼焉。是則不自營求。今成富貴之
身。弗手擣節。今得除瘵之益。謂也。持名行者。迴願之
功力。夫不然耶。且海東元曉師。遊心安樂道云。問親
遇善緣。預九品生。頻見文義。憤心雲披。若有眾惡。不
識修善。已入三途。為有方便。救彼亡靈。令除業障。生
極樂界。以不答。愚情難通。聖教有術。故不空羅索。神
變真言經第二十八卷。灌頂真言成就品。曰。爾時十
方一切刹土。三世一切如來。毗盧遮那如來。一時皆
伸右無畏手。摩清淨蓮華。明王頂同說。不空大灌頂

校訂重刊

淨土十勝論卷七

三十

旧古兩
本覆下
有利字

光明真言引喉中囉麼拈三鉢頭合二摩入縛四跛合二囉
言一三七遍觸耳根者即得滅除一切罪障若諸衆
生具造十惡五逆四重諸罪猶如微塵滿斯世界身
壞命終墮諸惡道以是真言加持土沙一百八遍屍
陀林中散亡者屍骸上或散墓上遇皆散之彼所亡
者若地獄中若餓鬼中若修羅中若傍生中以一切
不空如來不空毗盧遮那如來真實本願大灌頂光
明真言加持土沙之力應時即得光明及身除諸罪

淨土十勝論卷七

報捨所苦身往於西方極樂國土蓮華化生乃至苦
提更不墮落此等經文往往而在悔哉罪業自造苦
果影追痛哉獨困獨厄無人救護自非同體大悲弘
濟秘術誰能遠開幽鍵扶昇華臺雖無他作自受之
理而有緣起難思之力則知以遇咒沙即成有緣若
不被沙何論脫期惟夫大悲無方長舌無誤誑不可
不信後悔無及然則不信用者徒負厚恩報日轉遠
有順行者接魂華蓮孝順便立幸逢真言令出不難
凡百君子誰不奉行散沙墓上尚遊彼界况乎咒衣
著身聆音誦字者矣上抑自作他受之義在文分明

校訂重刊

淨土十勝論卷七

三十一

由現在
又成難
作難成
今依摠
要訂正

本所出
之義章

文字頗
多行脫
今依現
本義章
訂正

也得理揭焉矣行者莫怪居難云樞要上云若諸種子生果應取所熏中說同身非相離者即為亡人七齊追福何有他作而得自身受勝果等又異趣身如何受果有解前趣有善惡相令受罪者能發善心又經云地獄等上有白黑幡表善惡相令彼罪人發善心故若爾者鬼畜人天無白黑幡應不受果有解但是化後俗語何必得果我殺還我上走避亦難故又解由作願者勝願資故令受罪者七分得一又由亡者曾有處分作善惡事現在為作果遂本心故有果報同趣可受異趣成難上又大乘義章第九云問曰

佛法無有自作他人受報亦無他作自己受果菩薩何須迴已善法施與他人設令與之他人云何得此善利釋言佛法雖無自業他人受果亦無他業自己受報非無彼此互相助緣以相助故得以已善迴施於彼以迴向故於未來世常能捨利益眾生助令修善故須迴向又復迴向即是已家能化之因迴向力故未來世中眾生見者敬順受法即是已家能化之果良以佛法自作自受故須迴向以成已家能化之因使未來世成就已家能化之果堪能益物上夫基公是玉華之鸞鳳且遠師亦學山之龍象且今孰

校訂重刊

淨土十勝箋節論

三十二

古誤作隨
訂今依坑
依坑旧

背乎彼兩賢英俊之高判而存乎自作他受之義勢
哉答曰莫以通途之所談而疑別益之難思曉公已
下乎雖言具擇法眼之人可觀之矣矧又樞要第三
之答許七分得一之義是尤自作他受之義相學者
等莫令基公而隨坑矣問曰夫元曉大師是為華嚴
傳燈之英雄矣不空霜索亦明光明真言之靈德焉
若爾者今引之而區備自宗光華者哉答此難非也
夫曉公闡揚淨教豈異人乎神咒安養正業胡他宗
耶宗證英豪之詳勘矣傍依經軌之說文焉尤足以
為自門援據南北判教之智人自知矣曰敢問曰明

特旧作
持誤作

妃既爾尊號闔然乎又解以光明真言儀軌而觀之
者光明神咒即是彌陀覺王心中心咒也若爾者與
無量壽如來大小兩咒其功力全同與大小二明亦
即十念寶號也若就此義篇而論之者光明真言勝
利全是彌陀靈號之妙用乎智者商量矣問曰今聞
從上所立者自作他受之義廣通十方淨土及以三
善若爾者奚特局西方淨土乎何如答曰十方淨土
之往生是吾宗一門之巨益也所以然者夫淨土宗
者總談六合淨利之往生別勸九品蓮臺之即詣者
也然則十方淨土之往生者當攝吾宗盡者也智者

淨土十勝論卷七

校訂重刊

淨土十勝論卷七

三十三

已旧作
也誤今
依古改

自知矣。或三部大阿闍梨來難云：夫自作他受之法門，是真言密宗之建立，而全非顯宗學者之所能。知其故者，曉公歸嚮光明真言之靈德，以詳自作他受之深邃，光明神咒，更非他法。正是吾密家所用之陀羅尼而已。若爾者，顯宗之學者等，不可爭盜真言之神力而備顯行之功能也。若如所立者，喻如以鹿為馬，又似以壁為石，如何答曰：難勢自由，更為不當矣。夫元曉大師是不昇無畏不空之堂室，亦不臨兩部灌頂之壇場，只是自宗最初頓說之妙文，而獨悟法界唯心之玄旨之盛德也。若爾者，唯顯宗智海之青

龍者乎？就中意欣西方淨刹土筆誌，遊心安樂道，專是淨土學山之白象者哉。世云僧中之龍象，是曉公一人之靈德耳。以之而觀之者，自作他受之良談，正是顯宗淨土之所得分，全非毗盧密乘之得分也。然則應言密人爭盜淨土之巨益，而刻備真言之德用矣。次至謂光明真言密家之珍奇，而非是顯門之所能知焉。難者是亦比興士女諺云：黑鴉見黑物，以謂我所有云。孰定神咒陀羅尼之功力，唯真言行者特行學之顯經盛說之矣。顯人專解之焉。顯經說咒者，法華般若等諸經是也。顯人解咒者，天台大師等諸

校訂重刊
淨土十勝論卷七
三十四

旧脱惡
字
詐古作
詭旧作
詭並誤

賢是也。且法華文句第十云。諸師或說咒者是鬼神
王。名稱其王。名部落敬主。不敢為非。故能降伏一切
魍魎。或云咒者。如軍中之密號。唱號相應。無所訶
問。若不相應。即執治罪。若不順咒者。頭破七分。若順
咒者。則無過失。或云咒者。密默治惡。惡自休息。譬
如微賤。從此國逃。彼國誑稱王子。彼國以公主妻之。
多瞋難事。有一明人。從其國來。主往說之。其人語主。
若當瞋時。說偈。偈云。無親遊他國。欺誑一切人。麤食
是常事。何勞復作瞋。說是偈時。默然瞋歇。後不復瞋。
是主及一切人。但聞斯偈。皆不知意。咒亦如是。密默

旧脱素
字

只旧作
祇今依
文句皆
訂正

遮惡餘無識者。或云咒者是諸佛密語。如王索先
陀婆一切群下。無有能識。唯有智臣乃能知之。咒亦
如是。只是一法。徧有諸力。病愈罪除。善生道合。其為
此義。故皆存本意。譯人不翻。意在此也。惡世弘經。喜
多惱難。以咒護之。使道流通也。上是其顯人。解明妃
之蹤跡也。此例非一。學者自知矣。問曰。奪他經所說
之法門。而備自宗良談之秀句。有其傍例乎。答曰。有
也。且如天台圓宗者。定判遍尋法華以前諸教。實無
二乘作佛之文。及明如來久成之說。故知並由帶方
便故。以記小久成之誠說。而為一乘法華之玄極也。

狂旧作
狂按應
枉字形
誤故今
改
託旧作
託誤今
說古訂
休古訂

然則爾前諸經之中儘有二乘成佛久遠成道之說者枉而會之或曰秘密不待時之法華或曰因位分證之成道矣又弘法大師二教論引六度經所說乳酪生熟醍醐等五藏之說託俞曰今依斯經文佛以五味配當五藏總持稱醍醐四味譬四藏震且人師等爭盜醍醐各名自宗若鑒斯經則掩耳之智不待剖割也又道範閣梨秘密念佛鈔云問就觀經所說九品階級其下品下生人雖積五逆等重罪依臨終十念得往生常途念佛力滅逆罪耶答雙卷唯除五逆觀經五逆得生兩說水火異解多端不可具述但

淨土十勝論卷七

消下有
五字衍
今依鈔
刪

今所解非秘密念佛全不可消逆罪六度經攝過去現在諸佛法藏為五藏唯第五總持藏獨能滅五逆重罪非前四藏依此龜鏡觀經十念即說秘密醍醐也為說妙法者即此秘密妙法也云抑天台圓宗之意專依法華涅槃之明文以一乘之與佛性而喻醇淨之醍醐雖然約真言宗之意而以陀羅尼藏而名醍醐之義篇而非他宗之所立以判爭盜醍醐各名自宗是則以自宗之光華而不為他經之秀句判教之意也此例多端不遑毛舉智人自知矣皆密人服膺而去夫抑和漢兩朝之群英等不看取一大藏經

校訂重刊

淨土十勝論卷七

三十六

旧脱能
字今依
古補

之意而以他人迴願之善根偏諍之或曰唯成熏發
道心之助緣矣或云直成出離生死之正業焉若堅
執而不融者不為智水不淺不為學山不卑矣若又
云一往自業自得果再往他作自受者其所見其所
聞俱以不為匪神妙矣今小師為詳勘迴施法界之
義相披閱一代釋典之衆文其義門有二途矣所謂
若約所迴向之人斷迷開悟之義篇以論能迴向之
人善根之功用者只是成熏發道心之助緣或修入
見諦修道或證得中道法性也所以證悟在心不在
他矣例如輔行第一云在因必藉師保果滿稱為獨

拘旧及
古作物
今依論
訂脫別
字

悟妙樂第一云稟承南岳證不由他又分別功德論
之文宣所悟在心不拘形服矣又大乘止觀下云問
曰真心有差別性故佛及衆生各異不同真心體無
二故一切凡聖唯一法身者亦應別有別性故他修
我不修體是一故他修我得道答曰有別義故他修
非我修體是一故修不修平等雖然若解此體同之
義者他所修德亦有益已之能是故經言菩薩若知
諸佛所有功德即是已功德者是為奇特之法又復
經言與一切菩薩同一善根藏是故行者當知諸佛
菩薩二乘聖人凡夫天人等所作功德皆是已之功

旧脱修
字今依
止觀加

德是故應當隨喜問曰若爾一切凡夫皆應自然得道答曰若此真心唯有同義者可不須修行籍他得道又亦即無自他身相之別真如既復有異性義故得有自他之殊者寧須一向倚他覓道也但可自修功德復知他之所修即是已德故迭相助成乃能殊勝速疾得修道何得全倚他也又復須知若但自修不知他之所作即是已有者復不得他益即如窮子不知父是已父財是已財故二十餘年夏受貧窮苦止宿草庵則其義也是故藉因託緣速得成辯若但獨求不假他者止可但得除糞之價也上文意冲貌

毗旧作
略誤

常旧作
帶

觀旧作
觀杖作
林

欲知來問矣密教之所談亦復如是焉且毗盧遮那經疏第一云今謂一切智智即是智中之智也非但以一切種遍知一切法亦知是法究竟實際常不壞相不增不減猶如金剛如是自證之境說者無言觀者無見不同乎中菴摩勤果可轉授他人也若可以言語授人者釋迦菩薩蒙定光授決之時即應成佛何故具修方便要待無師自覺方名佛耶又如目覩世人為刀杖所傷雖復信其受苦無可疑惑然種種令說終不證知若自身觸受乃得明了耳上又云初云識心是心自覺之智次又言心即是心之實相意

校訂重刊

淨土十勝論卷七

三十八

佛下旧
有說字
行

手旧作
手

明境智俱妙無二無別故重言之自然智是即如來
智唯是心自證心不從他悟言佛既於識心人中
為第一上已又云即知諸佛將欲開權顯實說法華經
當知金剛手等亦復如是普見加持世界唯說平等
法門即知如來將演遍一切乘自心成佛之教上已又
云爾時執金剛秘密主於彼眾會中坐白佛言世尊
云何如來應供正遍知得一切智智乃至如是智慧
以何為因云何為根云何究竟者如來自證之智設
以神力加持亦不可示人前云奮迅示現無盡莊嚴
藏者皆外用之迹耳智者見其餘末則喻其宗本如

旧脫此
力
必旧作
心

觀象迹超絕眾群其所踴踐倍復深廣雖不覩其形
當知此象身力必大又如迅雷澍雨能令鳥獸震死
百川奔湧壞山襄陵雖不測其本當知此龍威勢必
大今諸大眾亦復如是以觀如來無盡身口意能一
時普應法界眾生妙合根宜成佛事則知如來智力
必於一念普鑒群機本末因緣究竟無礙照俗之權
尚爾其契實之境界當復云何若能不然則有微迹
可尋我已盡覩然不知是法從何得之故執金剛手
因眾會疑心而問佛言云何如來應供正遍知得此
一切智智也上已又云此法從何處得耶即是行者自

旧脫故
字今依
疏皆訂
正

校訂重刊
淨土十勝論卷七
三十九

心耳若能如實觀察了了證智是名成菩提其實不由他悟不從他得問曰即心是道何故衆生輪迴生死不得成佛答曰以不如實知故所謂愚童凡夫若聞是法少有能信識性二乘雖自觀察未如實知若如實自知即是初發心時便成正覺至爾時行者正知心實相故見一切法悉皆甚深微妙無量無數不可思議不動不倚不著都無所得此夫圓密二宗之意談行人斷惑證理專在自心更不依他如斯矣加之華嚴法界唯心達磨以心傳心三論八不中道法相萬法唯識乃至地攝二宗小乘二十部莫不皆以

年旧作
十誤

則人等
十四字
旧及古
脫之今
依莊子
補正
也旧作
禮但作
俱乃作

悟而約心法以論之焉匪啻內教言覺悟在心外談亦爾且莊子云孔子行年五十有一而不聞道乃南之沛見老聃老聃曰子來乎吾聞子北方之賢者也子亦得道乎孔子曰未得也老子曰惡乎求之哉曰吾求之於度數五年而未得也老子曰子又惡乎求之哉曰吾求之於陰陽十有二年而未得老子曰然使道而可獻則人莫不獻之於其君使道而可進則人莫不進之於其親使道而可以告人則人莫不告其兄弟使道而可以與人則人莫不與其子孫此林希逸註曰度數禮樂也陰陽萬物之理也五年十二年

校訂重刊

淨土十勝論卷七

四十

及並誤
五下旧
有十字
衍今依
注皆訂

年初無義理。但曰精粗求之久而未得。爾自道而可
獻以下四句發得極妙。即是道不可傳。乃如此發出
這般言語。比內道外教俱以悟約心明義梗槩在斯
乎。然則約悟證門以論能迴之善根勝德者。唯成熏
發之助緣。而全非解脫之正因也。次約離乎穢土而
詣淨土。脫乎惡趣。而生善趣之義篇。以明能迴向功
德之用者。由所受機根之差別。而可有助緣之與。正
因之不同也。所以雖味斷惑證理而生淨土矣。先言
助緣者可觀心地觀經。以其男女追勝福開悟。父母
令發意。口稱南無三世佛。或生十方淨土。中文矣。次

淨土十勝箋節論卷中

言正因者可證光明儀軌。欲令父母靈生。極樂淨土。
向西方誦千遍。定生極樂淨土之說。焉如斯詳判。常
提撕心中。或時見迴向正因之文者。即知說淨土往
生之義相。或時聞迴向助緣之說。亦覺明斷迷開悟
之相貌矣。二途分別。衆文皆融。學者莫致迷焉。夫頃
年之比。密行之人來。旬而曰。他作自受之深奧。三密
學者之所能知也。自業自得之法門。顯宗行人之所
建立矣。云。昔小師問曰。淨土真宗之學徒。盛談之。孰
云。密人特知之乎。抑言自作他受者。言助緣與言直
因與。如何。豈彼人大迷惑兩途之義門。故面有陸梁

校訂重刊

淨土十勝箋節論卷中

四十一

舊脫衆生

之氣言無一陳之答矣夫謂成佛為助緣往生為直
因二途之義相者是最真邈而難簡別喻如金鑰匣
知龍蛇難辯相似也若有人而欲知二義之深邃者
染指于再于三而宜試義味設讀得些透徹自有無
窮之滋味乎若不看小僧胷中如何而太早解之疎
忽領之者定反生誹訕若爾者匪啻不知老愚結構
之趣亦殖阿鼻之苦種可慎可慎矣問曰自作他受
之明據正出在何經論乎答曰涅槃經第十九云是
佛世尊有金剛智能破衆生一切惡業若言不能無
有是處今者去此十二由旬在拘尸那城娑羅雙樹

種下妙字
今依經
訂正

勤舊作
勤今依
法事贊
訂

間而為無量阿僧祇等諸菩薩僧演種種法若有若
無若有為若無為若有漏若無漏若煩惱果若善法
果至乃若樂若非樂至乃若自作自受若自作他受若無
作無受大王若當於佛所聞無作無受所有重罪即
當消滅上經文明鑑不能下語又宗師詳勘曰自作
善根他人福一切合集皆迴向晝夜精勤不敢退專
心決定見彌陀自作他修合集見佛之言開乎慧眼
而看取之矣定有滋味者乎又南北顯密行者等或
勤修三密大法以護持
萬乘至尊或講讀一乘妙典以祈願百寮安泰矣然

校訂重刊

淨土十勝論卷七

四十二

每護持_五

玉體安穩矣。每祈願悉地成辦矣。若言無他作自受之義者。應當會之而言。受釋氏祈念。以為助緣。然後自勤自修。而得攘災招福之勝利。如何。此義奉問。南面之。主上而決之矣。斯旨温北面之臣下而明之矣。若有問者。定答言不也。且夫設雖堅固之執者。聞斯責者。舊年疑氷要開者。與問曰。聞此呵責。宛如毒箭入體。亦似利劍之摧髓。所以垂頭而伏。束手而降而已。但見君臣護持之明文。以撥累年多載之僻執矣。答曰。

體舊作
今依
古改

又本願藥師經曰。爾時眾中有一菩薩摩訶薩。名曰救脫。即從座起。偏袒一肩。右膝著地。曲躬合掌。而白佛言。大德世尊。像法轉時。有諸眾生。為種種患之所困厄。長病羸瘦。不能飲食。喉唇乾燥。見諸方暗。死相現前。父母親屬朋友。知識啼泣。圍遶。然彼自身。臥在本處。見琰魔法。使引其神識。至于琰魔法王之前。然諸有情。有俱生神。隨其所作。若罪若福。皆具書之。盡持授與。琰魔法王。爾時彼王。推問其人。算計所作。隨其罪福。而處斷之時。彼病人親屬。知識若能為彼歸依。世尊藥師瑠璃光如來。請諸眾僧。轉讀此經。燃七層。

旧脱智
人等八
字今依
古加

之燈懸著五色續命神幡或有是處彼識得還如在
夢中明了自見或經七日或二十一日或三十五或
四十九日彼識還時如從夢覺皆自憶知善不善所
得果報由自證見業果報故乃至命難亦不造作諸
惡之業是故淨信善男子善女人等皆應受持藥師
璠璃光如來名號隨力所能恭敬供養上夫自作他
受之義載文分明學者自見矣此例非一不能舉盡
夫若有受六親修福而去識還來者豈無由十方他
作而解脫生死哉智人染指乎於是焉智人染指乎
於是焉問曰文理揭焉信伏渴仰竟但過現未三世

之善根皆迴施法界哉答曰菩提樹下之春朝三世
迴向之華薰是馥矣終南山頂之秋夕過現迴願之
月光惟明焉夫如來約容有以未善而預施之居大
師就已修以過現而正與之諸經釋互舉學者莫局
分矣夫自業自得果之一說偏小權大之所談矣自
作他受報之直示垂終決了之誠文也智人雷心宜
破漆桶矣問曰善惡二法喻如鳥雙翼又似車兩輪
若言法有自作他受之義者惡業亦爾乎答曰此難
不類夫善惡二法雖從一心法界之理內而出生善
有青昇之德惡有沈墜之能莫相盪矣凡觀一大藏

校訂重刊

淨土十勝箋節論卷中

四十四

作下旧
有之字
行

經雖多教善根迴願之義未明惡業迴施之相是則所以善有自作他受之德惡無他作自受之能也抑案此難勢之意為建立熏發助緣之義門而閉塞他善正因之直路乎若爾者亦小子難仁者謂若成立他善熏發助緣之旨者亦當存他惡熏發助緣之義夫如何若答言以惡業而迴他人他人必造惡業者大背佛法大道理孰智人許諾此談美學者點頭此義耶只是外道之僻執矣抑亦魔伴之邪說也仁者慎莫出不忍之言矣問曰無始以往三世十方諸佛如來從因至果以所修功德皆悉迴施法界而更不

卷之七

聽旧作
今依
古

為已分若爾者或熏發之助緣或往生之直因一切眾生等奚于今流轉生死而不得菩提哉答曰薩埵能迴之志雖是平等法界有性之中有繫屬厚薄故受善有早晚受善有遲疾故解脫亦有前後得脫有遠近迴向之功力終不唐捐實有憑者乎有處曰我今所行法界所修我身即是法界體故依恩輕重依緣淺深所受利益雖有前後終此迴向無一不受智人看之而除疑網焉抑若有學佛之人而不能看取聽得從上之所立者孰謂之師曠之聰乎誰稱之離朱之明居若有讀得說得此之一篇者是則身子之

校訂重刊

卷之七

四十五

古	舊脫者	古	舊脫者	古	舊脫者
字今依	字今依	字今依	字今依	字今依	字今依
古如	古如	古如	古如	古如	古如
誤今改	誤今改	誤今改	誤今改	誤今改	誤今改
古作曩	古作曩	古作曩	古作曩	古作曩	古作曩
舊脫念	舊脫念	舊脫念	舊脫念	舊脫念	舊脫念
字今依	字今依	字今依	字今依	字今依	字今依
古如	古如	古如	古如	古如	古如

才智乎。慶喜之多聞乎。夫迴施法界之功力者。生死
 嶮難。堅牢之大車也。利他迴願之勝用者。流浪巨海
 之浮囊矣。然則二道之行者等。專絆自他拔濟之修
 善焉乎。爰弟子多載捧念。佛摩尼寶珠。以資雙親之
 菩提。定雨七覺之聖財。且取名號栴檀。與樂以迴四
 恩之得脫。必研五分之法身。且夫受難受之人。身之
 紅桃。之三千年一開。且值。且值。且值。名號希。黃河之一千
 載始澄。且嗚呼。駟馬過隙。繫風姿乎。孰家二鼠。嚙草
 逗露命乎。何處南無阿彌陀佛。
 淨土十勝箋節論卷中

乾上終

